

شرح آيات الجزء الثامن عشر | اللقاء) 81 (| #ختمة_تعارف

د . حازم شومان

حازم شومان

اللهم لك الحمد كله ولك الملك كله وبيدك الخير كله والييك يرجع الامر كله. اللهم صل على عبدك ونبيك محمد صلى الله عليه وسلم في الاولين والاخرين والملا الاعلى الى يوم الدين. اما بعد اخواني واحبابي في الله النهاردة ان شاء الله سورة المؤمنون وسورة النور.

بازن الله. سورة المؤمنون يعني بتحديث - 00:00:00

عن ايها؟ من اسمها كده يا اخواني في الله سورة المؤمنين بتحديث عن يعني ايها؟ يا اما سورة المؤمنين يا اما سورة المؤمنون. آآ بتتحديث عن صفات المؤمنين عن صفات المؤمن اللي بحق و حقيقي. خد بالك في اولها اولئك هم الوارثون. الذين يرثون الفردوس هم فيها خالدون. الفردوس - 00:00:25

الاعلى لم تذكر في القرآن الا مرتين. مرة في اخر سورة الكهف مرة في اخر سورة الكهف ان الذين ايها؟ آآ كانت لهم جنات الفردوس نزلوا فيها لا يبغون عنها حولا يبقى الفردوس ذكرت في اخر سورة الكهف مرة وذكرت في اول سورة المؤمنون مرة. يبقى معنى ان الفردوس - 00:00:45

الاعلى لم تذكر الا مرتين في القرآن. يبقى معناها ان المرتدين دول يعني يعني في غاية الخطورة لان دي اعلى حاجة في الجنة. فاعلى حاجة في الجنة مع سورة الكهف سورة ان كل مؤمن لازم يبقى له ثغر واقف عليه. لازم يكون بيتحرك في مجال من مجالات الدين. يبقى ده معنى انما سورة - 00:01:05

فنون هنا اللي ذكر معهم الفردوس. دي صفاتها ايها؟ قال تعالى قد افلح عارفين الفلاح يا جماعة؟ اللي بيفلح وبيطبع ثمرة يبقى ازا مش كل واحد بيتعجب بيطبع له سمرة. ايه مين هم اللي بيطبع لهم ثمرة؟ وقد لما تيجي مع الفعل الماضي معناها يقين قد افلح المؤمنون - 00:01:25

الذين هم في صلاتهم خاسعون والذين هم عن اللغو معرضون والذين هم للزكاة فاعلون. المهم صفات المؤمنين لحد اولئك هم الوارثون بعد كده ولقد خلقنا الانسان من سلالة من طين ثم جعلناه نطفة في قرار مكين. ثم خلقنا النطفة علقة فخلقنا العلقة مضفة - 00:01:45

فخلقنا المضفة عظاما. ايه الكلام ده؟ ده كلام الدعوة الى الله. لما نيجي ندعوا الناس للدين هنكلهم عن نعم ربنا سبحانه وتعالى. هنكلهم ربنا عمل لهم ايه قلنا ان وزيفة الشيطان ولا تجد اكترهم شاكرين. انما هانسيهم انت عملت لهم ايه. عشان كده جت سورة النحل واحنا بنتكلم فيها - 00:02:05

قلنا سورة النحل ربنا بيفكرك هو عمل لك ايه. فهنا كلام الدعوة ربنا عمل لك ايها؟ من ايام ما كان الانسان شوية طين وبعد كده بقى نطفة من وسط تلتميت ربعمية مليون حيوان منوي. وبعد كده ربنا انشأه خلقا اخر. طيب ليه بقى صفات المؤمنين تيجي - 00:02:25

قبل كلام الدعوة الى الله. لأن ربنا بيقول لنا ان صفات الدين قبل كلام الدين يا جماعة. ان الانسان اللي هيتكلم كلام الدين وما عندوش صفات الدين لن يؤثر ولن يغير ولن يكون له اي اثر تغييري في الواقع. ان دايما اهل الباطل ما بيضربوش الدين من الدين نفسه. لأن - 00:02:45

الدين كله نور هيضربيه بايه؟ هيقول الدين الوحش اللي بيتكلم عن بر الجار مسلا الدين اللي مش كويس اللي بيتكلم عن صلة الرحم يبقى الدين كله نور اهل الباطل ما يقدروش يضربوا الدين من الدين. انما دايما بيضربوا الدين من رجال الدين. دايما بيضربوا الدين من اخلاق الملتزمين بالدين. فيقول لك هو ده الدين! شف بقى - 00:03:05

كان عمل ايه؟ عشان كده لما حبوا يضربوا الانبياء ولقد ارسلنا نوحا الى قومه فقال يا قومي اعبدوا الله. فقال الملا الذين كفروا من من قومه ما هذا الا بشر مثلكم! خد بالك بقى! مش بيضرب الدين من الدين! ده بيضرب الدين من الشخصية اللي بتتكلم عن الدين نفسه. ده دايما فكر اهل الباطل - 00:03:25

انه عايز يضرب الشريعة الاسلامية في برامج التوك شو؟ يضربها ازاي؟ من خلال الناس الملزمة نفسها. فقال الملا الذين كفروا من قومه ما الا بشر مثلكم يريد ان يتفضل عليكم. دي ناس عايزه موقع. دي ناس عايزه تشووف نفسها. دي ناس عايزه يبقى لها قيمة في الواقع - 00:03:45

بقى على الايه؟ على ان هي بتاعة دين ولو شاء الله لانزل ملائكة. يبقى لما حبوا يضربوا الدعوة ضربوها من الداعية. بعد كده ثم انشأت من بعدهم قرنا اخرين الصفحة اللي بعدها. فارسلنا فيهم رسولا منهم كلمة فيه ومنهم دي بتلخص الدعوة كلها. ارسلنا - 00:04:05

فيهم الانتشار ان الداعية يجب ان ينتشر وسط الناس وينزل للناس رسولا منهم ان الداعية لازم يكون واحد من الناس عايش الامهم ما لهم فاهم افكارهم واحلامهم عشان يقدر يتعامل معهم. يبقى اللي مش هيعيش وسط الناس عمره ما هيقدر يغير فيهم. اللي مش هيعيش وسط الشباب عمره ما - 00:04:25

يقدر يغير فيهم. ارسلنا فيهم رسولا منهم ان اعبدوا الله ما لكم من الله غيره. افلا تتقون؟ وقال الملا من قومه الذين كفروا وكذبوا بلقائهم الآخرة ما هذا الا بشر مثلكم. ما هذا الا بشر مثلكم يأكل مما تأكلون منه ويشرب مما تشربون. يبقى برضو لما حبوا يضربوا الدعوة - 00:04:45

وضربوها من الداعية. يبقى اذا يا جماعة سورة المؤمنون بتقول لك ان دايما اهل الباطل بيضربوا الدعوة من خلال الداعية. من خلال الملزمة والملزمة دي الدعوة. عشان كده سورة المؤمنون كلمتك عن اخلاق الدين وصفات الدين نموذج الدين العملي قبل ما اكلملك عن كلام الدين - 00:05:06

كان المؤمن اللي مش هتتحقق في هذه الصفات هو عمر كلامه ما هيأس في الناس بالعكس كلامه هيئفر الناس. عشان كده ناخد بالنها من سورة المؤمنون يبقى اول صفة من صفات المؤمنين في الصورة انهم ناس صفاتهم بتسبق كلامهم. انهم ناس بيمثلوا نموذج عملي قبل ما يكون - 00:05:26

نموذج قولي عشان كده السيدة عائشة كان قرآن ايه؟ ها آآ كان خلقه الايه؟ كان خلقه القرآن. يبقى اذا فيه قرآن بيمشي على الارض. وبعد كده في قرآن بيتبلي يبقى لازم يكون فيه تجسيد عملي مش بس كلام مش بس كلام يقال عشان كده في اخر سورة المؤمنون حتى اذا جاء احدهم الموت - 00:05:46

قال رب ارجعون لعلي اعمل. يبقى اذا ده واحد ساعة ما انا تنزلت عليه الملائكة ملائكة الموت وفزع. قال انا عايز ارجع اشتغل لعلي اعمل صالح فيما تركت كلا انها كلمة هو قائلها. ده بتاع كلام. يبقى اذا اخر صفحة ونص في سورة المؤمنون - 00:06:06

تحذير من النموذج بتاع الكلام. الكلمنجي اللي الدين عنده كلام كلا انها كلمة هو قائلها ده بتاع كلام. وهو جاي عند الموت بيقول لعلي يبقى اول حاجة في سورة المؤمنون النموذج العملي. الانسان اللي بيطبق الدين وبعد كده بيتكلم عن الدين. عشان كده شف معى كده - 00:06:26

قول الله قد افلح المؤمنون الذين هم في صلاتهم خاشعون. البداية هي الصلاة والنهاية والذين هم على صلواتهم يحافظون يعني لأن الصلاة دي محطات الشحن بتاعة المؤمن. عارف عواميد النور اللي بتتجدد الشحنة في في سلوك الكهربا لأن الصلاة دي هي العواميد اللي بتتجدد - 00:06:46

الذين هم في صلاتهم خاشعون دي مسألة العبادات. والذين هم عن اللغو معرضون. طب ما انا يعني ساعات تجرب كده بعد الصلاة
تبقى عايز تقدر في مكان كانك لو عايز حد يكلمك ولا تكلم حد. انت عايز تعيش بقلبك مع جلال الملك اللي انت كنت واقف بين ايديه.
يبقى اذا قضية العبادة المثمرة يا جماعة مش قضية - 00:07:06

انا صليت انت بعد الصلاة العبادات اثمرت في اخلاقك ايه؟ اثمرت في علاقتك بربنا ايه؟ يبقى شف ثمرة العبادة في حياتك. وبعد كده
في صلاتهم خاشعون. ده ضمير جمع يا جماعة. مش الذي هو في صلاته خاشع. لأن اللي مش هيرتبط بيبيئة الخشوع مش هيبقى
خاشع - 00:07:26

الذين هم عن اللغو معرضون لأن اللي مش هيرتبط بيبيئة الاعراض عن اللغو مش هيبقى معرض. والذين هم لفروجهم حافظون. لأن
اللي مش هيرتبط ببقيمة العفاف مش هيبقى عفو يبقى ما فيش حد هيقدر يوصل للفردوس الاعلى لوحده. أولئك هم الوارثون الذين
يرثون الفردوس. ما حدش هيقدر يرتقي للمقامات دي لوحده - 00:07:46

الذين هم في صلاتهم خاشعون دي عبادات. والذين هم عن اللغو معرضون دي اخلاق ومعاملات. طب ربنا يجيب العبادات قبل الاخلاق
ليه لانك عمرك ما هتقدر تستقيم على الاخلاق ولا على المعاملات ولا على الاحكام الا لو العبادات شحنت قلبك بنور الایمان الاول. يبقى
البداية هي - 00:08:06

العبادة ولكن العبادة بدون ما تتمر في الاخلاق والمعاملات انت هتدعوا الناس الى الله باقولك وتنفذ الناس عن طريق الله بافعاليك.
او عى تكون داعية الى الله باقولك. ومنفر عن طريق الله بافعاليك. الذين هم في صلاتهم - 00:08:27

الخشوع العبادة والذين هم عن اللغو معرضون الاخلاق والذين هم للزكاة فاعلون الفاعلية العبادة والذين هم لفروجهم حافظون
الاخلاق والذين هم لاماناتهم وعهدهم راعون المعاملات والاخلاق. كلمة كبيرة اوي لاماناتهم وعهدهم راعون دي كلمة كبيرة اوي اوي -
00:08:47

اوی اوی اماتهم في بيوبتهم مع مراتاتهم في شغفهم في المعاملات المادية في المعاملات الاجتماعية قضية كبيرة جدا ان النموذج ده
هي دي الاية اللي بيضربونا من خلالها دايما يا جماعة. والذين هم لاماناتهم وعهدهم راعون. والذين هم على صلواتهم يحافظون
العبادة. يبقى اذا - 00:09:07

عبدات اخلاق عبادات اخلاق هو ده الموديل يا جماعة. هو ده النموذج. هو ده صورة الدين. السحره وقفوا في وش
فرعون يقولوا له لن نؤثرك على ما جاءنا من البيانات. جابوا الجرأة دي منين؟ لما دخلوا لقوا موسى بيقول له اني لاظنك يا فرعون
مثبورا. لما شافوا النموذج - 00:09:27

دخلوا على ان الدين ان انا اقف في وش فرعون وما اخافش. يبقى طلع النموذج اللي في اول سورة المؤمنون ده بيوفر سنين
طويلة من الكلام عن المنابر عن الدين. خليني اكلمك عن المنابر عن الدين وعن افعال الدين. وخليني انا اطبق الكلام ده - 00:09:47
قادمك لما يطلع النموذج العملي اللي بيطبق الدين ساعتها هيحصل ايه؟ ساعتها يا اخوانا كلام الدين مش هنحتاج نتشنج نفسنا
عشان نوصل للناس المعاني ليه؟ لأن العمل بيغنى عن كثير من الكلام. يبقى اذا الحاجة الاولانية - 00:10:07

او الصفة الاولانية من صفات المؤمنين في سورة المؤمنون ان هم اهل الصفات للدين قبل ما يكونوا اهل كلام للدين. النبي عليه الصلاة
سلام المدينة افتتحت سنة اتناسن مكية. يعني المدينة كانت جاهزة لاستقبال النبي من سنة اتناسن. النبي سافر تلاتاشر ليه؟ لانه بعث
الاول الموديل - 00:10:27

اللي بقى له اتناسن سنة بيربي فيه. الموديل اللي بقى له اتناسن سنة بيصنع فيه. وداه الاول ودا المهاجرين الاول المدينة قبله بسنة
يتخرط عليهم انصار وراح سنة تلاتاشر عليه الصلاة والسلام لقى المدينة كلها مهاجرين. ليه؟ لقى المدينة كلها صوماين قوامين ازاي؟
بعث الموديل بعث - 00:10:47

نموذج بعث اهل صفات الدين بعد كده راح لقى المدينة كلها مخروطة على هذا على هذا النموذج. عمرنا ما سمعنا ان قوم لما الحاكم
الظالم خيرهم ما بين الایمان اللي هم امنوه وما بين الموت اختاروا الموت. دايما الناس بتقول لك الرخصة. انما غلام الاخدود الناس

اللي - 00:11:07

لما الملك حفر لها نار اترمت في النار واختارت انها تتحرق بس وهي مؤمنة على ان هي تعيش خانعة تكتم ايمانها. ليه؟ لأن غلام الاخدود ضحي بحياته عشان الدعوة. لأن غلام الاخدود اقتل عشان الدعوة تنتشر. ادى للناس مدللة يا جماعة. عشان - 00:11:27
كده مهما صرخنا في الناس مهما اتكلمنا عن الدين طول ما احنا اهل افعال طول ما احنا ما بنفتش الدين عمليا في الواقع الناس مش هتصدق. كان يعني الناس مش هتصدق ان آآ ان الاخرة مهمة غير لما احنا نزهد في الدنيا. الناس مش هتصدق عشان كده النبي - 00:11:47

عليه الصلاة والسلام لما ادي غنم بين جبلين لبني ادم واحد عشان يقول لا الله الا الله. النبي اقعد جزيرة العرب كلها ان لا الله الا الله داليا الموضوع مش ان انا اطلع على المنبر واقعد اتكلم عن لا الله الا الله. لما النبي طلع غنم بين جبلين من فلوسه هو من الخمس بتاعه هو عليه الصلاة والسلام - 00:12:07

عشان بني ادم يقول لا الله الا الله. جزيرة العرب كلها صدقت ان في لا الله الا الله. وان الاخرة تستاهل ان انا اضحي عشانها. فالناس بدأ تزهد لما شافت الكلام لما شافت التطبيق العملي. اول صفة من صفات المؤمنون اللي هي صفة النموذج بتاع الدين. صفات الدين قبل كلام الدين. بعد - 00:12:27

صفات الدين بقى بعد اولئك هم الوارثون الذين يرثون الفردوس. دول اهل الفردوس الاعلى. اللي بيتحققوا النموذج ده والموديل ده. اللي بيتحققوا صفات الدين قبل كلامي دول اهل الفردوس الاعلى - 00:12:47

بعد كده ولقد خلقنا الانسان من سلاة من طين. ثم جعلناه نطفة في قرار مكين. بعد كده كلموا الناس عن ربنا بقى. كلموا الناس عن نعم ربنا الناس هتصدق لأن الكلام خارج من ناس عايشة عشان ربنا. من ناس مضحية عشان ربنا. من ناس بازلة عشان الدار الآخرة. كلموا الناس عن - 00:13:00

في الجنة الناس شافت الملتفمين والملتزمات بيضحوا عشان الجنة يعني واحد دخل معركة واتقطع ايديه وبيكلم الناس عن الجنة هو ايديه مقطوعة الجنة اصلا. الناس مصدقة الجنة من قبل ما هو يتكلم. القلوب مؤهلة ان هي تسمع عن الجنة. عشان كده النموذج الذي نكلت به السورة في النهاية - 00:13:20

نموذج الانسان الكلمنجي حتى اذا جاء احدهم الموت قال رب ارجعون لعلي اعمل انا هشتغل يا رب وابقى من اهل العمل وهابقى نموذج احقق صفات الدين كلا انها ايه؟ كلمة هو قائلها. ده راجل الكلمنجي وبتاع كلام النموذج بتاع الكلام ده ما ينفعش. بيقى اهل اعمال وليسوا فقط اهل اقوال - 00:13:40

الصفة الثانية من صفات المؤمنين في سورة المؤمنون هنلاحز يا جماعة ان سورة المؤمنين سورة المؤمنون اتكلمت عن الفاظ الخوف من الله بتتنوع لم يوجد في اي صورة اخرى. يعني ربنا يقول لك قد افلح المؤمنون الذين وقد افلح دي كلمة انت عارف زي ما تقول ايه؟ قد قامت الصلاة. يعني ايه - 00:14:00

قد قامت قاد مع الفاعل الماضي قامت معناها اليقين. يعني ايه اليقين؟ هو المصلي مش مصدق ان الصلاة قامت. المصلي مش مصدق ان جت لحزة لقاء ربنا يعني صدق جت اللحزة اللي هتفق بين ايدين ربنا فيها. قد افلح المؤمنون - 00:14:20
الذين هم في صلاتهم ايه؟ خاشعون. يعني ايه الخشوع يا جماعة؟ لفz الخشوع ده لفz يعني من الفاظ آآآ يعني من الفاظ تعظيم ربنا سبحانه وتعالى. ومن الفاظ الخوف الممزوج بالتعظيم. طيب خلاص عديها برضو. بعد كده قال تعالى ولقد ارسلنا نوحًا الى قومه. فقال يا قوم - 00:14:35

اعبدوا الله اول امر العبادة طبعاً ودا اول امر في القرآن. ما لكم من الله غيره. افلا تتقون؟ بيقى بعد الخشوع ذكر لفظ. التقوى طب وبعد كده ان الذين هم من خشية ربهم مشفقون. بيقى ذكر لفz الخشية وزق اللفz الاشفاق. بيقى لحد دلوقتي الخشوع والتقوى - 00:14:55

والخشية والاشفاق والذين هم بآيات ربهم يؤمنون. والذين هم بربهم لا يشركون. والذين يؤتون ما اتوا قلوبهم وجلة انهم الى ربهم ايه

؟ راجعون يبقى الجل. ايه القضية دي يا جماعة؟ سورة المؤمنون زي ما بتوصف سلوك المؤمن زي ما بتوصف - 00:15:15
اخلاق المؤمن زي ما بتوصف كلام الدعوة على لسان المؤمن بتوصف قلب المؤمن ان قلب المؤمن ده مهرجان من المشاعر التقوى
والجل خوف ايه الالفاظ ديت؟ ايه الفرق بين الالفاظ ديت؟ الذين هم في صلاتهم خاشعون ايه الخشوع ده؟ قال تعالى لو لو انزلنا
هذا القرآن - 00:15:35

على جبل لرأيته خاشعا متصدعا من خشية الله. يبقى الخشوع قبل التصدع. دايما المبني بيتشقق الاول وبعد كده ينهار. يبقى اذا يا
اخوانى يعني ايه خشوع؟ يعني ايه خشع لك سمعي وبصري ومخى وعظمى وعصبي؟ يعني ايه لفظ - 00:15:55
يعنى ايه ومن اياته انك ترى الارض خاشعة. ارض بقى لها شهور ما نزلش عليها نقطة مایة اتشققت من مكانها. يعني ايه انسان خاشع.
يعنى ايه انسان هينهار من ثقل احساسه بجلال ربنا سبحانه وتعالى. يعني ايه اذن هتنهار وهتتضاضع من ثقل - 00:16:15
احساسها بعظمة كلام الله سبحانه وتعالى. يبقى الخشوع ده لفظ عظيم يا جماعة. يعني حنة ان واحد في صلاته خاشع كلمة خاشع
دي مش كلمة سهلة ده الخشوع ده لما وصف في الجبل الجبل انهار بعدها. الخشوع ده لما وصف الارض الارض مشقة فيها.
يبقى اذا الخشوع ده احساس ثقيل جدا - 00:16:35

من اجال الله على القلب البشري. طيب امال يعني ايه؟ ان الذين هم من خشية ربهم مشفقون. ايه الفرق ما بين الخشية والخوف
الخوف هو خوف عذاب الله. واحد خايف من النار. امال الخشية هي خوف مقام الله. يعني الخوف هو ثمرة معرفة النار. انما الخشية
هي - 00:16:55

معرفة الله. عشان كده يقول لك مسلا فلان يخاف ما يختشيش. يعني ايه يخاف ما يختشيش؟ يخاف يعني لو ضربته بالعصاية يسمع
كلامك. او مال يعني ايه ما يختشيش يعني لو عدى قدامه واحد عظيم ما يهابوش وما يعملش حسابه. يعني لازم الضرب. يعني فيه
ناس يا جماعة دافعها هو النار. انما لما تقول له - 00:17:17
وعن عظمة الله ما يقدرش ان هو يفهم الكلام العالى ده. يبقى الخشية ديت خوف مع تعظيم. انما الخوف هو خوف ايه؟ عقوبة الله
 سبحانه وتعالى. يعني ايه ان الذين هم من خشية ربهم مشفقون؟ ايه الاشفاق ده؟ يعني ايه واحد مشفق؟ يعني ايه واحد؟ المشفق
ده يا اخواننا اللي قاعد مع نفسه - 00:17:37

طب وبعدين؟ طب افرض دخلت القبر وما عرفتش اجاوب. طب افرض القبر داق علي وما كانش فيه عمل اقدر ان انا اتقى به. طب
افرض تبعدي من على الصراط اللي مشفق ده واحد مقدر خطورة الموقف وما هوش عارف يعمل ايه. وقاعد بقى يعني زي الكلمة
بتاعة احد الصحابة - 00:17:57

كده ابت نفسي الا ان استتر بكل شيء اجده من النار. يعني مهرجان. طب امال ايه الجل ده بقى؟ والذين يؤتون ما اتوا يعني
مجتهدين في الاعمال الصالحة ليل نهار. ومع ذلك قلوبهم فيها جل. الجل ده احساس ليلة الامتحان. الجل ده اللي هو واحد -
00:18:17

مرعوب احسن يسقط. الجل ده احساس قلب الطالب وورقة الامتحان بتتوزع عليه. ولسه ما بصش في الاسئلة يشوف هي صح ولا
هي سهلة صعبة. الجل ده احساس الطالب في لجنة الشفوي. والدكتور لستة ما سألوش وما هوش عارف هيأسأله سؤال سهل ولا
صعب. الجل ده احساس - 00:18:37

الطالب ليلة الامتحان وهو متخيّل ان كلها ساعات ويتحط في اللجنة وما هوش عارف هيجاوب ولا. الجل ده احساس القلب وهو
يبيتفض داخل الصدر الانسان قاعد يفتكر طب ها عمل ايه لما اقابل ربنا؟ طب ساعة العرض على الله ها عمل ايه؟ طب امال ايه
التقوى يا جماعة؟ امال افالا تتقون ايه التقوى - 00:18:57

التقوى بقى هي المعنى العملي لكل مشاعر الخوف اللي احنا اتكلمنا عنها. يعني الخشية والجل والاشفاق والخوف التقوى دي ان
الكلام ده اترجم عمليا في شكل ان انسان عمليا بيتفق ما حرم الله. انسان سلوكه - 00:19:17
املي بيطبق هذه المشاعر الداخلية. يبقى اذا عشان كده ربنا يقول في اخر السورة وقل رب اعوذ بك من همزات الشياطين. آ واعوذ

بك قل رب اما تريني ما يوعدون. يعني ايه تريني ما يوعدون؟ هم بيوعدون بعداب الدنيا. يعني يا رب لما تيجي تخسف بهم الارض
قل رب - 00:19:37

اما ترني ما يوعدون. ربي فلا تجعلني في القوم الظالمين. يا رب لما يتخسفونهم الارض ما يتخسفونه بنا معهم. يا رب لما يعاقبوا في ارزاقهم ما يتعاقبوا معهم يا رب لما تننزل ملائكة العذاب عليهم ما تننزلش علينا معهم. يعني ايه يا جماعة؟ ده انا اللي عايش حياتي عشان ادعوههم الى الله. انا خايف ان لما تنزل العقوبة تنزل - 00:19:57

كمان هو ده مشاعر قلب المؤمن يا اخوانا. سيدنا نوح وهو بيركب السفينة قال اركبوا فيها باسم الله مجريها ومرساهها. ان ربي لغفور رحيم. ايه علاقة الغفور الرحيم وانت بتركب السفينة يا سيدنا نوح لكانه بيقول احنا على زنوبنا ما نستاهلش نركبها. انما ربنا لولا مغفرته ورحمته - 00:20:17

زمانا الوقتي بنغرق في الطوفان زينا زي الناس دي. احنا زنوبنا تستاهل الطوفان. زنوبنا تستاهل ان احنا نغرق في الطوفان. ولكن ربنا بمغفرته ورحمته. هو اللي جعلنا يعني نركب في هذه السفينة عشان كده يعني آآ يعني تلاقي اخر سورة المؤمنون وقل رب اغفر وارحم وانت خير الراحمين - 00:20:37

يعني المؤمن خايف من ربنا. خايف من ذنبه. يبقى اذا الصفة الاولى للمؤمن في الصورة هي صفة ان صفات الدين قبل كلام الدين وان اعمال الدين قبل اقوال الدين وانه انسان مرتبط بالعمل مش بالكلام. الصفة الثانية انه آآ - 00:20:57

اه انه انسان انه خايف من ربنا ان قلبه مليان وجل واشفاق وخشية وخوف وخشوع وتقوى انه انسان خايف فعلا ربنا انه مش بيدعوا الناس الى الله وهو بيظن ان الفاسدين دول لو ما تابوش ربنا هياخدتهم لا ده هو معتقد ان - 00:21:15
هو يستحق العقوبة قبل الناس دي. ان هو يستحق لو العذاب نزل هو اولى الناس بهذا العذاب. يعني انسان فعلا حاسس انه مزنب يعني ايه يا جماعة؟ يعني مش بيكلم الناس عن النار وهو مش خايف منها. مش بيكلم الناس عن عذاب القبر هو مش مرعوب منه. مش بيكلم - 00:21:35

الصراط وهو حاسس ان اول ما اجي على الصراط طلقة وهادعي مش بيكلم الناس على الميزان وهو حاسس ان كفة الحسنات بتاعته طبة طبة مش بيكلم الناس عن تطاير الصحف وهو جوة باله كده يمين يمين. مش ممكن هاخدتها بغير اليدين. انه فعلا مصدق الكلام اللي بيذعن الناس اليه - 00:21:55

وده من عجيب سورة المؤمنون ان اسم المؤمن مرتبط بكلمة الامن. في حين ان سورة المؤمنون جابت كل مصطلحات الخوف. والخشية والوجل يبقى اذا اللي ربنا هيأمه في الآخرة هو اللي خاف من ربنا في الدنيا. اللي هيخاف في الآخرة هو اللي امن عقوبة الله في الدنيا. يبقى من صفات - 00:22:15

المؤمنين يا جماعة ان هم مصدقين ربنا انهم مصدقين الكلام ده. يعني يعني انا بادعو الناس الى النجاة من النار الا انا ليل نهار باهرب - مش آآ النار دي بتاعة العصاة الوحشين. انا انا راجل اللي باتكلم عن الدين الملائم الحلو الكويس. ما فيش الكلام ده يا اخوانا - 00:22:35

يبقى المؤمن دي الصفة الثالثة في قوله سبحانه وتعالى يا ايها الرسل كلوا من الطيبات واعملوا صالحا انكروا من الطيبات الاول اكلة حلال وبعد كده اعملوا صالحة. الطاقة اللي هتبلغ بها العمل الصالح لازم تكون جاية من حلال. اني بما تعلمون - 00:22:55

وان هذه امتك امة واحدة. وانا ربكم فاتقون. وان هذه امتك امة واحدة. وحدة الامة دي الثالثة من صفات المؤمنين ان هو مش شخصية فردية. زي ما قلنا الذين هم في صلاتهم خاشعون انه ما هو ايش شخصية فردية. انسان عايش في وحدة - 00:23:15

انسان عايش في ترابط. يا ايها الرسل وان هذه امتك امة واحدة جتنين. جتن في سورة الانبياء اللي كنا بنتكلم عنها امبارح ان هذه امتك امة واحدة وانا ربكم فاعبدون. هنا في سورة المؤمنون وان هذه امتك امة واحدة. وانا ربكم فاتقوني - 00:23:35

سورة الانبياء كانت بتتكلم عن العبادة فجت في الآخر فاعبدون. وسورة المؤمنون بتتكلم عن تقوى الله والخوف من الله فجت فاتقوا طب يا جماعة يعني سورة الانبياء بتتكلم عن العبادة فجه فيها امة واحدة وسورة المؤمنون بتتكلم عن الدعوة الى الله والعمل لدين -

00:23:55

فجت فيها امة واحدة هم دول الحاجتين اللي بيوحدوا الامة. هم دول الحاجتين. لو الكل اشتغل في الدعوة الكل هيفهم الواقع. اللي هو المصطلح اللي بنقول عليه اللي هينزل هيفهم. اللي هيشتغل هيفهم. اي حد هينزل الواقع هيفهم. لا يمكن الازمة بتحصل مع اللي ما بينزلش الواقع -

00:24:15

فيبيقي القضية قضية صعبة ليه؟ اللي هينزل هيشفو المصيبة عشان كده ليه دايما يعني آآآ الواحد بيحرص ان الشاب الجديد ينزل جولة يكلم الشباب العصاة في الشارع ليه ؟ عشان يشفو المصيبة اللي احنا فيها. لما ييجي يوقف ثلاثة شباب يقول لهم تعالوا ادخلوا صلوا. يقولوا له احنا جنب. لما ييجي يكلم -

00:24:35

واحد عند ربنا يقول له يا عم الشيخ انا مش فاضي الله يكرمك. سبنا بقى في مصلحتنا وسبنا في طريقنا. لما يشفو الدين رخص عند ناس قد ايه. لما يشفو حرمات ربنا -

00:24:55

كسرت في حياة ناس قد ايه. لما يشفو ان لو مغنى مشهور نزل مكانه يكلم الناس. البلد كلها هتنقلب وهو نازل وصل الناس لربنا ما حدش بيتص له اصلا. لما يشفو ده قلبه هيتحرق على الدين بقى. هيبدأهم الدين ييجي جواه عمليا. بقى -

00:25:05

الدعوه بتوحد يا جماعة ليه ؟ لأنها بتخللي لهم كله يتوحد. الكل بي Shirley لهم بقى. زائد العبادة بتوحد. ليه ؟ لأن العبادة بتطهر قلوب وبتذكي النفوس فبتنتهي الغايات في تتوحد الایه ؟ الامة. بقى اذا الصفة الثالثة من صفات المؤمنون وهي صفة -

00:25:25

وحده وهي صفة الوحيدة. بقى آآ قبل ما ندخل في سورة النور سورة المؤمنون اتكلمت عن آآ صفات المؤمنين. ده رقم واحد انهم اهل الصفات. عشان كده صفات الدين جت قبل الكلام الدين. لأن بعد كده في قصص الانبياء -

00:25:45

المشركون ضربوا الدعوه من خلال الداعية. الاول شوهو صورة الداعية. فخد بالك ان تشويه الدين هيبقى من خلالك انت من خلال اخلاقك انت من خلال سلوكك انت من خلال معاملاتك انت من خلال التجاريه او الاجتماعيه انت من خلال اخلاقك انت بقى خد بالك -

00:26:00

الدين لو اطعن هيطعن من خلالك فانت لازم تبقى نموذج عملى بيتحرك دين بيتمشى على الارض ونكلت الصورة في النهاية اللي كان نموذج آآ يعني حتى اذا جاء احدهم الموت قال رب ارجعون لعلي اعمل صالحا فيما تركت. كلا انها كلمة هو قائلها يفضل يصرخ في القبر الى يوم -

00:26:20

القيمة ويقول رب ارجعون ليه ؟ لأنه كان من اهل الكلام وليس من اهل الصفات ولا الافعال وباقى السورة آآ آآ بتدرج في هزا الامر. يعني لنرجع سريعا على سورة النور يا اخوانى في الله. سورة النور بتتكلم عن ايه بقى ؟ من اولها كده اسمها سورة النور يا جماعة. سورة النور من اولها النور جه. يعني النور لما يجي -

00:26:40

مجتمع دايما اللي بيظلم المجتمع الشهوات. دايما اللي بييعي بييعي هو الارتباط بالشهوات. عشان كده شف الدخلة كده بتاعة سورة النور. ما فيش الف لام ميم بقى ولا فيه اه الف لام ميم صاد ولا فيه كاف هاء عين صاد ولا من اولها سورة انزلناها. وفرضناها وانزلنا -

00:27:00

فيها ايات بينات. ده منشور ملكي. سورة انزلناها الكلام ده من عند الملك. اوعى حد يقول انا كنت باحسبه كلام عادي. ده من عند وفرضناها الكلام ده كله فرض ما حدش يقول انا كنت بحسبه نافلة. الكلام ده كله فرض على المجتمع. وانزلنا فيها ايات بينات -

00:27:20

الكلام واضح. ما حدش يقول انا ما كنتش عارف. ما حدش يقول انا ما كنتش فاهم. لعلكم تذكرون. بقى ده منشور ملكي من اولها ملك بينزل لنا البراس اللي ينور لنا الطريق بتاعتنا. سورة النور يعني لو ربنا نورها لنا -

00:27:40

اهل الباطل عايزين يظلموها علينا. اهل الباطل في تمانية وعشرين قناة توك شو وعلمانية عايزين يظلموها على المجتمع. عايزين

تنسى هزا الكلام وربنا عايز وربنا يريد ان هو ينورها لنا. تعالوا نشوف بقى سورة النور اربع اشواط. الشوط الاولاني بيتكلم عن ايه ؟
من اولها كده - 00:27:58

الكلام منشور ملكي من اولها. الزانية والزاني. والزانية قبل الزاني. واللي هيعيش وسط الشباب هيفهم ليه ربنا قال الزانية قبل الزانية ؟
00:28:18

ضد جريمة الزنا. واحد زنا عقوبته ايه ؟ الاجراءات العقابية. بعد كده ان الذين جاءوا بالافك عصبة منكم لا تحسبوه لكم بل هو خير لكم. كلام ربنا عن المنافقين. يا ايها الذين امنوا لا تتبعوا خطوات الشيطان كلام ربنا عن الشيطان. ولا يأتلوا اولوا الفضل منكم -
00:28:38

ان يؤتوا اول القربى والمساكين كلام ربنا عن النفس الانسانية اللي بتغصب لنفسها فتمنع الخير. ده ايه ده يا جماعة ؟ ديت الاعداء دول اللي عايزين يو Buckley. دول اللي لو انت استسلمت لهم هيوقعوا المجتمع كله. المنافقين الشيطان اللي عايزين يو Buckley. طب -
00:28:58

بعد كده قول الله سبحانه وتعالى آيا ايها الذين امنوا لا تدخلوا بيوتا غير بيوتكم حتى تستأنسوا وتسلموا على اهلها. وقل للمؤمنين يغضوا من ابصارهم وقل للمؤمنات يغضبن من ابصارهن وانكحوا الایامى منكم. دي اسمها ايه ؟ الشوط الثالث ده الاجراءات الوقائية. يعني ايه الاجراءات الوقائية - 00:29:18

سورة النور يا جماعة بتفهمنا عظمة الشريعة الاسلامية. لما الشريعة الاسلامية بتتكلم عن الزنا ولما القانون الوضع بيتكلم عن الزنا. الشريعة الاسلامية في الاول جابت لك الاجراءات العقابية اللي هيقع في الجريمة هيحصل له كذا. وبعد كده جابت لك مين اللي بيوقعونا بقى ؟ فجابت لك شوط تانى عن الاعداء اللي بيوقعونا في - 00:29:42

هذه الجريمة. وبعد كده جابت لك شوط تالت عن الاجراءات الوقائية. ما انت ما تعطيش نص مليون موقع اباحي. وتقول لي الزنا حرام. ده كلام فارغ. يبقى انت بتضحك على الناس ما تسيبليش التبرج في الشارع والکوافيرات الحريري في الشارع والفجور في الشارع وتيجي تقول لي ممنوع الزنا ممنوع - 00:30:02

ايه ده انت ده انت يعني ده انت نصاب ممنوع الزنا منين ده انت نفسك الناس كلها تزني. والا ما تسيبليش قنوات فاجرة اربعة وعشرين ساعة بتبي الشهوت والكلبات وتيجي تقول لي بعد كده ممنوع الزنا. ده انت نفسك ان المجتمع كله يزني. اللي بيعمل كده عايز الشباب يزني. مش آآ مش بيقول لك ممنوع الزنا. ده كلام - 00:30:22

كله كلام نزري. يبقى اذا الاجراءات الوقائية ان لازم الشباب يتتجوز. لازم المؤمنين والمؤمنات يغضوا من ابصارهم. لازم في ادب استئزان في البيوت. لازم يبقى فيه قواعد في العلاقة ما بين الرجل والمرأة في المجتمع. الموضوع ما يبقاش كده. الموضوع ما تحطليش النار جنب البنزين - 00:30:42

وتقول لي مش هتلع هتلوع. هتلوع هتلوع. يبقى الاجراءات الوقائية. بعد كده ولقد انزلنا اليكم ايات بينات. ومثلا من الذين دخلوا من قبلكم وموعدة للمتقين. الله نور السماوات والارض. كلام بقى عن نور الایمان في قلب العبد المؤمن. القلب المتوجه بالایمان -
00:31:02

القلب اللي جواه نور يعطي على نور الشمس لو غلط لو خرج. الله نور السماوات والارض. مثل نوره كمشكاة في فيها مصباح العلاج الجذري يا جماعة. يعني ايه العلاج الجذري ؟ يعني افرض ان الشياطين شغالة. والمنافقين قاعدين شغالين - 00:31:22

الشهوات والصحف الصفراء والمواقع الفاسدة والقنوات الفاجرة والتبرج الرهيب. وكل حاجة مفتوحة. والزنا مباح وما فيش قانون بيكول حرام. يعني اللي عايز يعمل حاجة يعملها. بنام برضوا الطرفين ما فيش قانون يقول حرام. ازا يبقى - 00:31:42

مؤمن من جوة هو نفسه لا يمكن انه يقع في الجريمة دي. ازا يبقى ده اسمه العلاج الجذري. ان ما فيش شريعة في الحياة عالجت قضية بهذه المعالجة. ما فيش شريعة في الحياة عملت تحصين ضد معصية بهذا المتر - 00:32:02

قال تعالى ان الذين يحبون ان تشيع الفاحشة تشيع. فاكرين الشيوعية زمان الشيوعية كان من المبادئ العالمية بتاعتتها شيوعية

الجنس. يعني ايه شيوعية الجنس؟ ان ما فيش حاجة اسمها واحدة مرات واحد. ما فيش حاجة اسمها الكلام ده. يقول لك الكلام ده
كله كلام فارغ - 00:32:22

كله بناء كله. يعني ايه هي كده شيوعية. كله على المشاع. كل حاجة في المجتمع مشاعي. الفلوس مشاع. والجنس بشاع. فربنا جايب
لك اللفظ اللي بعد الف وربعميت سنة قالوا بالحرف ان الذين يحبون ده ده قلبه ده ده ميل قلبه ده نفسه يشوف المجتمع كده. عايز
يقدر - 00:32:39

يقول لك نسبة الزنا في الجامعات خمسة وتسعين في المية. من انهي مصيبة خمسة وتسعين في المية؟ ما احنا عايشين وسط
الشباب. فين ولا خمسة في المية! قال لها امال هو بيقول كده ليه - 00:32:59

هو عايز يحسس المجتمع ان ما فيش فايدة. خلاص كله يا ابني بيقع في الجريمة اقع انت كمان. ان الذين يحبون ان تشيع الفاحشة
في في في ديت يعني تبقى حاجة منتشرة انتشار النار في الهشيم. في الذين امنوا - 00:33:09

لهم عذاب اليم في الدنيا والآخرة في الدنيا. يعني الناس دي ربنا مش هيسيبها يا اخوانا. الناس دي والله ربنا ما هيسيبها. الناس دي
ربنا هيخليلها عبرة ربنا هيخليلها عبرة في الدنيا قبل الآخرة. واللي يظن ان الناس دي هتفلت من ان ربنا ينكل بها في الدنيا قبل الآخرة.
المصيبة ان الامة تبقى مش فاهمة - 00:33:25

مبن حبيبيا وبين عدوها؟ المصيبة ان الامة تبقى مش فاهمة بقى بتتلقي كده وخلاص ومش فاهمة ان المصدر الوحيد للنور هو ربنا
عشان كده في سورة النور الله نور السماوات والارض. كل التانيين دول عايزين يظلموها عليكم. الوحدة اللي بينورها عليكم هو ربنا
سبحانه وتعالى. ما تسمععش غير كلامه. ما تتلماش غير منه - 00:33:45

ما تصدقش غيره. ما تجيبيش واحد تاني لسانه جميل. ويقدر يقول لك كلام يودي المجتمع في مصيبة وهو بيضلها على المجتمع. ما
فيش مصدر نور غير عند الله سبحانه وتعالى. ايه المنزد ده يا جماعة؟ تخيلوا معي كده ان المسجد ده بيت ان المسجد ده مكان
اوضة. وان الاوضة دي جواها مسلا امرأة - 00:34:05

يعني ده رمز اللي هيدخل جوة ده بقى ده رمز للزنا. والمسجد ده له شبابيك. الشبابيك دي بقى المداخل للزنا. المداخل الابواب
الخلفية وفيه برة تلات ايه اعداء واقفين او تلات شياطين واقفين. دول الاعداء اللي عايزين يدخلوك جوة. وفي واحد الواحد ده -
00:34:25

اللي هو عم الشاب او الفتاة اللي مطلوب ان هو يدخل جوة هذا البيت اللي بيمسل الزنا. سورة النور عملت ايه؟ جابت لك اربع
الاربع مناظر انت عارف بيسموها نظرة عين الطائر اللي هو بيبيص من فوق على الاحdas كلها بقى اذا جابت لك العلاج العقابي -
00:34:45

الاجراءات العقابية اللي هيقع في الجريمة دي يحصل فيه كزا وكزا. بقى فيه ناس هتخاف من العقوبة. طيب وجابت لك ايه تاني؟
الاجراءات الوقائية. ما انا لازم اقضى على مثيرات الفتنة في المجتمع. ما ولعهاش نار واقول للشاب آآ امسك نفسك ازاي يعني! ازاي!
بقي لازم بقى فيه اجراءات وقائية - 00:35:05

بعد كده الحاجة الثالثة العلاج الجندي انا لازم اخلي الایمان جوة قلوب الشباب والفتیات. جوة قلوب الرجال والنساء. بحيس انه حتى
لو وقدر ما يرضاش. وبعد كده معرفة الاعداء انك لازم تفهم مين الاعداء اللي عايزين يضيعوك. اللي هم هنا في السورة المنافقون
الذين - 00:35:27

ان الذين يحبون ان تشيع الفاحشة وبعد كده الشيطان لا تتبعوا خطوات الشيطان. وبعد كده النفس ولا يأتلوا اولي الفضل منكم
والسعفة ان يؤتوا اولي القرب اللي هو بقى النفس اللي بتائب آآ آآ ان الانسان يسعى الى ايه؟ الى الخير. بعد كده يا جماعة بعد
الاشواط الاربعة ديت نلاقى ربنا سبحانه وتعالى - 00:35:47

بيقول لك ايه انما كان قول المؤمنين اذا دعوا الى الله ورسوله ليحكم بينهم ان يقولوا سمعنا واطعنا. يعني ايه؟ يعني بنلاقى شوط
عن الطاعة ويقولون امنا بالله وبالرسول واطعنا ثم يتولى فريق منهم من بعد ذلك. وما اولئك بالمؤمنين. ايه التركيز على الطاعة

تركيز قل اطيعوا الله واطيعوا الرسول. التركيز على لفz الطاعة ده. لأن يا جماعة كل الاجراءات الوقائية والعقابية والجزرية طب لو واحد ما بيسمعش الكلام الليات هتعمل له ايه؟ مستشفى خطيرة واجهزة مهولة واطباء عباقرة وادوية جباره - 00:36:27

ومريض الدكتور يدي له احونة الانسولين من هنا وهو مخبي تحت السرير صنية بسبوسة يقوم مطلعها بعدها واكلها من هنا. هي عمل له ايه المستشفى زي رمضان كده مستشفى مهولة ولكن شاب اصلاً قاعد على القهوة هي عمل له ايه رمضان ولا هي عمل له اي حاجة. اهو بالضبط كده شريعة عظيمة - 00:36:47

ولكن امة مش عايزه تسمع الكلام. هتعمل لها ايه الشريعة؟ ولا هتعمل لها اي حاجة. عشان كده التركيز على الطاعة. التركيز على مبدأ الطاعة. وبعد كده كده يا ايها الذين امنوا الشوط الخامس - 00:37:07

الشوط السادس يا ايها الذين امنوا ليستأذنكم الذين ملكت ايمانكم والذين لم يبلغوا الحلم منكم ثلاث مرات. هو ايه ده يا جماعة؟ ادب الاستئذان جوة البيت والطفل يدخل على امه وابوه امتى يعني واذا بلغ الاطفال منكم الحلم فليستأذنوا. هو ايه الكلام ده؟ هو سيدنا جبريل نزل من فوق سبع سماوات - 00:37:20

يعرف الرجال هو ومراته يعني ولادهم يخطبوش امتى والطفل الصغير واللي كبر واللي ما كبرش هو ايه ده والقواعد من السنت اللي عندها ستين سبعين سنة بقى التي لا يرجون نكاحاً فليس عليهم جناح ان يضعن ثيابهم. هو ايه ده يا جماعة؟ هو ايه القضية ديت؟ ايه اللي بيحصل ده؟ دي - 00:37:40

تابع ايه؟ من الأربع حاجات اللي احنا قلناهم في الاول. دي تبع ايه الاجراءات الوقائية طب ايه الفرق بين الاجراءات الوقائية اللي في اول السورة اللي في اخر السورة ايه؟ الاولى خاصة بالعلاقة بين الفتى والفتاة اللي ما لهمش دعوة بعض. ما فيش حاجة اسمها تدخل شقة صاحبك كده وتقوم حذف كده - 00:38:00

افرض اخته قاعدة وما فيش حاجة اسمها انها تقع في الانترنت عادي ده اخويها ده زي اخوك يا بنتي ده كلام فارغ. يبقى دي العلاقة ما بين الغرباء. امال الاجراءات الوقائية - 00:38:23

في الشوط الاخراني العلاقة ما بين اهل البيت الواحد. الله! هو ممكن هو واحد بيصل لبنت خالته! هو ممكن واحد بيصل لبنت عمه هو ممكن آآ يعني اخوات وما فرقش بينهم بالمصالحة يا عم ما بيحصل مصايب وبيحصل كوارث بسبب ده وبتحلم - 00:38:33
الاهوال بسبب ده. يبقى ازا دي الاجراءات الوقائية داخل العيلة الواحدة. وداخل الاسرة الواحدة. وداخل العمارة الواحدة الاجراءات وهي داخل المكان الواحد وبعد كده انما المؤمنون الذين امنوا بالله ورسوله واذا كانوا معه على امر جامع لم يزهبا حتى يستأذنوا - 00:38:53

يبقى تاني التأكيد على مفهوم الطاعة. والتأكيد على مفهوم الارتباط بالجماعة. يعني ايه ده يا جماعة؟ ايه اللي بيحصل ده اللي بيحصل في سورة النور ان ربنا سبحانه وتعالى يعترفنا عظمة هزا المنهج. وعظمة هذه الشريعة. يعني ارفع رأسك. لما ربنا سبحانه وتعالى بيقول - 00:39:13

يعني قول الله سبحانه وتعالى وانكحوا الايمان منكم والصالحين من عبادكم وامائكم ان يكونوا فقراء يغnyهم الله ايه؟ من فضله اعف الذين لا يجدون نكاحاً حتى يغnyهم الله من فضله. والذين يتبعون الكتاب مما ملكت ايمانكم فكتابوهم ان علمتم فيهم خيرا - 00:39:31

يعني ايه فكتابوهم ان علمتم فيهم خيرا؟ ربنا بيتكلم عن قضية الاماء والعبيد هنا اللي عايزين يتحررروا فربنا بيقول حررروهم. يعني العبد بناء عايز يديك عشر تلاف جنبه هيشتغل لمدة سنة ويجبهم لك ويبقى حر. خليه حر بس على شرط. ان علمتم فيهم ايه؟ ان علمتم فيهم خيرا. سنة - 00:39:51

الف تسعمية خمسة واربعين لما الامم المتحدة قررت الغاء الرق في العالم والغاء الاستعباد في العالم وخدوا قرار فجائي ان كل السود اللي في امريكا وكل السود اللي في البلاد العربية وكل السود اللي وكل العبيد اللي في العالم يتحررروا فجأة. حصل ايه يا اخوان؟

حصل ان الناس دي نفسها رجعت للناس - 00:40:11

اللي كانت بتملكها قالوا لهم احنا عايزيين نرجع لكم تاني ليه؟ لأن ما فيش ان علمتم فيهم خيرا. الخير ده ان يكون معه مهنة. الله! هو ده العبد ده انت هتحرر هياكل منين؟ انت كنت بتقطره وتغديه وتعشهيه. مقابل انه يخدمك. يعني كان له مهنة. الوقت هيخرج يشتغل ايه؟ لا معه صنعة ولا - 00:40:31

معه شهادة ولا معه حاجة هيخرج يسرق هيخرج يعمل عصابة. طب وفي نفس الوقت ان علمتم فيهم خيرا في دينهم. طب الوقت دول مش خايفين من ربنا. الناس اللي ما اتربيتش - 00:40:51

على الدين دي هيخرج يزني. بيقى اذا الامم المتحدة لما عملت التحرير بتاع العبيد فجأة لحد الوقتي لحد ذلك الموضوع ده عامل ازمة في بقايا هؤلاء العبيد ليه؟ لأنه مش عارف يتكيف مع المجتمع، ما حدش اهله انه يقدر ينزل ويقى معه - 00:41:01

يواجه الحياة به. انما الاسلام قال لك حرر ولكن ان علمتم فيهم خيرا. عايزيين تحررورهم اهلوهم الاول. عشان ينزلوا في المجتمع يضخ دم نضيف في المجتمع. يعني اذا يا اخوانا احنا معنا شريعة عظيمة او اي - 00:41:21

ومعنا شريعة ب تعالج الامور بشكل جذري. ومعنا شريعة بتحصن قلب الشاب وقلب الفتاة. وفي نفس الوقت بتطهر المجتمع خلي البيئة نضيفة ما هييش بيئه ملوثه تثير الشهوات وتهيج الشهوات. وفي نفس الوقت مجتمع ولا تأخذكم بهما رأفة في دين الله - 00:41:36
يعني الرأفة ديت اللي هي ولو مرة واحدة ولو لحظة واحدة. يعني معناها ان اللي يقع في حدود ربنا يجب ان تراعى. لانك كده بيصعب عليك واحد - 00:41:56

وبتدمير امة كاملة وبتدمير جيل كامل. وفي نفس الوقت بتعرفك مين اعدائك عشان نقلل المداخل بتوع هؤلاء الاعداء القضية وفي نفس الوقت بتستقصي جوة البيت وبرة البيت تنظيم عزييم جدا. فعلا سورة النور لو ربنا نورها لنا يا ترى ايه اللي هيحصل؟ لو ربنا نورها لنا - 00:42:06

ربنا ببنورها لنا بس للأسف اهل الباطل عايزيين يضلوا علينا. الله نور السماوات والارض. مصدر النور الوحيد في الكون هو ربنا مصدر نور الايمان في قلوب الملائكة وحملة العرش هو ربنا مصدر نور الايمان في قلوب الانبياء والصديقين والشهداء هو ربنا مصدر النور الوحيد في الكون - 00:42:26

دور مادي او نور معنوي هو الله سبحانه وتعالى. عايزيين يعني النور بيجي يا جماعة. عايزيين نقرأ بازن الله سبحانه وتعالى سورة المؤمنون وسورة النور يعني احنا حرصنا ان النهاردة بفضل الله خمسة وتلاتين دقيقة اهو انجاز. يعني فرمنا الموضوع بفضل الله. يعني في خمسة وتلاتين دقيقة نخلص السورتين عشان ما نطولش - 00:42:46

على الناس عشان الناس يعملوا ايه؟ عشان الناس يمسكوا المصاحف الواطية يقرأوا كلام ربنا سبحانه وتعالى. يعني لسة في جلسة الضحى الوقتي حوالي نص ساعة. حوالي او اكتر كمان من نص ساعة. يعني انت قدامك الوقتي انك تقرأ جزء قرآن كامل في جلسة الضحى. امسك بقى سورة المؤمنون وسورة النور. وانت لسة سامع كلام عنهم! يعني - 00:43:06

الموضوع لسه معلم في زهنك. وابدأ تدبر وابدأ اوصل. وابدأ قل يا رب نور لي حياتي. النور اللي ربنا بيتكلم عنه ده. الله نور السماوات والارض. عشان النور ده بيجي سيدنا ابراهيم طلع على سبعين تمانين جبل ونزل عشان يشوف اية واحدة النور بيجي بسببها. عشان النور ده بيجي سيدنا ابراهيم قعد اربعة وعشرين ساعة - 00:43:26

كبر في الشمس والقمر والكوكب بلا اكل ولا شرب ولا نوم. عشان النور ده بيجي سيدنا داود كان بيقعد من الفجر للمغرب يسبح على رؤوس الجبال هو وحيد عشان النور ده بيجي سيدنا يوسف قعد عشر سنين في السجن لا يخرج عشان النور ده يكتمل في قلب العبد المؤمن. عشان - 00:43:46

النور ده بيجي سلمان الفارسي ساب ابوه وساب بلده وساب سروته وساب شبابه وساب احبابه وهاجر في الارض يدور على حد يده على هذا النور عشان النور ده بيجي الصحابة كانوا واقفين ورا النبي عليه الصلاة والسلام في دار الارقم رجلها رجلهم بتتنفس كأنها جذوع النخل رجلهم - 00:44:06

قم وارمت رجليهم اتشفقت من طول قيام الليل عشان النور ده ييجي. عشان النور ده هو ييجي الانبياء عبدوا ربنا قد ايه. والاولين
جاهدوا في الوصول لربنا يا ضيق. اتعب انت كمان. اتعب عشان ربنا ينورها لك. لأن لو ربنا نورها لنا خلاص يا جماعة -
اللام النفسية القاتلة اللي بتفترس المجتمع الواقعي. الاحباطات المهوولة. الاحزان اللي مالية المجتمع. كل ده هيختفي. ليه لو ربنا نورها
لنا يعني الحيرة اللي مالية صدور الناس وبصائر الناس النهاردة. الشتات الفرقة الخلاف الشناق -

كل ده هيتنسف لو ربنا نورها لنا سورة النور ربنا ينورها لك. ربنا بینورها للمجتمع كله. ربنا بيكتب اللي عايزين يضلموها اللي عايزين
الدنيا تظلم ونور ربنا يطمس من هذا المجتمع وانى لهم ان يستطيعوا هذا نقرأ بمشاعر متدرة نقرأ بقلوب -
متفركة نقرأ بعزم مجاهدة نقرأ القرآن ونحن مثلنا مثل واحد في صحراً وحتى اذا ايقن بالله لاك لما تاه واحد قال له خريطة قال له ده
خريطة الخروج من الصحراء وهو بيعامل مع خريطة الطريق للخروج والنجاة. بيعامل بان ده الامل الوحيد بتاعه وهو حريص على
انه يفهم -

كل حرف في الخريطة هو ده القرآن طريق النجاة لهذا المجتمع البائس. اللي للأسف للأسف الشديد ظلموها عليه ما بين النت وما بين
اليوتيوب وما بين الفساد طبعاً اللي فيهم ما الحاجات دي ممكن تبقى افكار عظيمة ولكن اتعلمت بشكل شكله ايه -
الشهوات اللي في كل مكان واللبس العاري اللي في كل مكان. وبعد عن هدي ربنا اللي في كل مكان. اهل ظلموها على الناس وربنا
يريد انه ينورها لنا تاني. نسلم قلوبنا لكلام ربنا. نسلم قلوبنا للصورتين العظيمتين دول. لعل ربنا ينفعنا بهم. نسأل الله -
تعالى. اللهم اللهم بارك لنا في رمضان يا رب. اللهم بارك لنا في رمضان يا رب. اللهم صلنا اليك يا رب اللهم انر قلوبنا
بالقرآن. اللهم انر صورنا بالقرآن. اللهم انر بصائرنا بالقرآن. اللهم انر طريقنا بالقرآن -

الله نور لنا يا رب. اللهم ازل الحيرة عنا. اللهم ازل الشناق والشتات. اللهم ازل الخلاف عنا يا
رب العالمين. اللهم الف بين قلوبنا على طاعتك وابتغاء مرضاتك. اللهم اجعلنا -
اهل الفردوس الاعلى. اللهم ارزقني الفردوس الاعلى. اللهم اللهم ارزقنا الفردوس الاعلى. اللهم اقمنا على مرادي منا. لا نهلك وانت
رجاؤنا ولا نضيع وانت مولانا ولا نضل وانت هادينا. اللهم لا تخرجنا من رمضان الا وقد غفرت ذنبنا وظهرت قلوبنا وزكيت -
ان لا اله الا انت استغفرك واتوب اليك -

نفوستنا وغفرت ذنبنا وكفرت عنا سينئتنا وعفوت عنا وعتقت من النار رقابنا انك ولي ذلك والقادر عليه سبحانه اللهم وبحمدك اشهد
ان لا اله الا انت استغفرك واتوب اليك -